

## EHTIYOt - YaRIM HAYoT



### EHTIYOt - YaRIM HAYoT

O'zbekiston Respublikasi Vazirlar Mahkamasining 2021 yil 9 dekabrda 743-sonli hamda viloyat hokimining 2021-yil 22-dekabrda 181-11-0-Q/21-sonli "Favqulodda vaziyatlarning oldini olish va bartaraf etish hamda yong'in xavfsizligini kuchaytirishga oid qo'shimcha chora-tadbirlar to'g'risida"gi qarorlari ijrosi bo'yicha tumanimizda ham mutasaddi idoralar vakillari tomonidan keng qamrovli targ'ibot ishlari olib borilmoqda.

Aytish lozimki, iqtisodiyot tarmoqlari, ijtimoiy soha ob'ektlari, ko'p kvartirali uy-joy fondini hamda savdo va maishiy xizmat ko'rsatish ob'ektlarini 2021-2022 yilgi qish mavsumiga tayyorlash bo'yicha bir qator ishlar amalga oshirilayotgan bo'lsada, ro'y berayotgan favqulodda hodisalar mazkur ishlarning yetarlicha tashkil etilmaganidan dalolat bermoqda.

Bunga Respublikamiz hududlarida ruy berayotgan baxtsiz hodisalar misol bo'la oladi.

Binobarin, qabul qilingan qarorga muvofiq tuman hududlarida aholini favqulodda vaziyatlardan, is gazidan zaharlanishini oldini olishga qaratilgan keng ko'lamlı targ'ibot-tashviqot ishlari olib borilmoqda.

Tumanimizda favqulodda vaziyatlarning oldini olish va bartaraf etish hamda yong'in xavfsizligini kuchaytirish bo'yicha olib borilayotgan targ'ibot tadbirlarida "Hududgaz Farg'ona" gaz ta'minoti filiali So'x tumani bo'limi, tuman elektr tarmoqlari korxonasi, favqulodda vaziyatlar bo'limi vakkillarining jalb etilishi ta'minlangan.

Tadbirlarda asosan qish mavsumida aholini gaz bilan uzluksiz ta'minlash, shuningdek, aholi punktlari va sanoat zonalaridagi tashkilotlar hududidagi yer ostidan o'tuvchi gaz quvurlarini xatlovdan o'tkazib, kechiktirib bo'lmaydigan nosozliklar zudlik bilan bartaraf etilishi, eskirgan va foydalanish muddatini o'tab bo'lgan gaz quvurlari bosqichma-bosqich yangilab borilishi, iste'molchilarning ichki gaz tarmoqlari va gazdan foydalanish uskunalarini to'liq texnik taftishdan o'tkazib, ularga profilaktik xizmat ko'rsatilishi, shuningdek, o'zboshimchalik bilan o'rnatilgan nosoz gaz uskunalariga tabiiy va suyuqlangan gaz yetkazib berish taqiqlanishi va ulanishga chek qo'yilishiga alohida e'tibor qaratilmoqda.

